



**KODEKS PONAŠANJA STUDENATA UNIVERZITETA U
TRAVNIKU**

April 2011.

Na osnovu člana 26. Statuta Univerziteta u Travniku, Senat Univerziteta na svojoj sjednici održanoj 20.04.2011. godine, usvojilo je

KODEKS PONAŠANJA STUDENATA UNIVERZITETA U TRAVNIKU

1. OPĆE ODREDBE

Kodeks ponašanja studenata Univerziteta u Travniku (u daljem tekstu Univerzitet), donosi se radi definisanja ponašanja studenta u skladu sa njihovim pravima i obavezama.

Cilj Univerziteta jeste da studentima omogući realizaciju njihovih prava uz zadovoljenje najviših standarada visokog obrazovanja, ali se takođe očekuje da studenti praktikiraju svoja prava i izvršavaju svoje obaveze poštujući društvene, etičke i moralne principe.

2. PRAVA STUDENATA

U skladu sa Okvirnim Zakonom o visokom obrazovanju i Statutom Univerziteta u Travniku studentima su zagarantovana sljedeća prava :

- prisustvovati svim predavanjima, seminarima i drugim oblicima nastave organiziranim u okviru njihovih predmeta u skladu s njihovim položajem i zavisno od mogućnosti i drugih oblika organizirane nastave;
- pravo na priznavanje i prijenos bodova između akreditiranih visokoškolskih ustanova u Bosni i Hercegovini.
- svi studenti imaju jednaka i neotuđiva prava bez obzira na rasu, nacionalnost, vjeru, spol, politička i druga uvjerenja i nazore, socijalni status i sve druge razlike;
- sloboda izražavanja u skladu sa zakonskim odlukama i moralnim načelima akademskog građanina;
- studenti imaju prava na korektan odnos od strane zaposlenika Univerziteta, Fakulteta, te s time u vezi na žalbu u slučaju kršenja tog prava;
- učestvovati na izborima za studentska mjesta u studentskim, predstavničkim i drugim tijelima ustanovljenim u skladu sa statutom ustanove,
- sudjelovati u naučnoistraživačkom i stručnom radu;
- uložiti nadležnom tijelu Univerziteta, Fakulteta žalbu na odluku ili postupak kojim je nezadovoljan;
- pravo na slobodu nepolitičkog udruživanja;
- koristiti biblioteke i druge usluge za studente, koji se nalaze u ustanovi;
- biti nagrađivan za svoj rad, dostignuća i doprinos afirmaciji i Univerziteta, Fakulteta;

3. ETIČKE NORME

U svakodnevnim situacijama u prostorijama Univerziteta očekuje se ponašanje studenata koje je u skladu sa opšteprihvaćenim pravilima pristojnog ophođenja kako sljedi:

- čuvanje interesa i ugleda Univerziteta
- tačnost dolaska na predavanje, vježbe i druge obavezne oblike nastave

- prisustvovanje sjednicama Senata Univerziteta, Nastavno-naučnog vijeća fakulteta;
- odnositi se s poštovanjem i uvažavanjem prema nastavnicima, saradnicima i drugim radnicima na Univerzitetu
- pristojan i korektan odnos prema kolegama studentima,
- uredno i blagovremeno izvršavanje finansijskih obaveza prema Univerzitetu, odnosno Fakultetu
- čistoća i urednost učioničkog prostora
- čuvanje imovine Univerziteta
- izbjegavanje i sprečavanje konfliktnih situacija i sukoba
- prikladno i pristojno oblačenje

4. DESTRUKTIVNA PONAŠANJA

Svaki oblik diskriminacije, te fizičkog i psihičkog zlostavljanja na Univerzitetu najstrože se zabranjuje, jer ugrožava sigurnost, integritet i dostojanstvo osobe, a posljedice često imaju trajni negativan učinak na pojedinca i neposredno okruženje. Takvo ponašanje radnu sredinu čini neodgovarajućom za kvalitetan i produktivan rad i postizanje postavljenih ciljeva.

DESTRUKTIVNIM PONAŠANJEM SMATRA SE:

- kašnjenje, nedolazak ili napuštanje bilo kojeg oblika nastave i neispunjavanje drugih nastavnih obveza;
- ometanje bilo kojeg oblika nastave;
- neopravdani izostanak sa sjednica Fakultetskog vijeća i drugih komisija čiji je član;
- upotreba pomagala na ispitima (knjiga, bilježnica, različitih elektroničkih naprava, različitih bilježaka), osim u slučajevima kada su ona eksplicitno dozvoljena.
- neprikladno oblačenje

POSEBNO NEPRIHVATLJIVIM DESTRUKTIVNIM PONAŠANJEM SMATRA SE:

- nepristojan i nekorektan odnos prema nastavnicima i ostalim uposlenicima Fakulteta ili studentima;
- primanje i pružanje pomoći na ispitima i ostalim provjerama znanja ;
- prezentiranje tuđeg rada kao svojeg;
- krivo predstavljanje, prisustvovanje provjerama znanja u ime druge osobe;
- krivotvorenje dokumenata vezanih uz studij i ostvarivanje studenskih prava;
- narušavanje pravila za zaštitu autorskih prava i intelektualnog vlasništva;
- nedozvoljeni pristup resursima računarskog sustava Fakulteta, Univerziteta i ostalih subjekata povezanih s Fakultetom putem Interneta;
- izgradnja ili uporaba programa čija je namjena uništenje ili onesposobljavanje računarskih, programskih, ili informacijskih resursa Univerziteta, Fakulteta ili ostalih subjekata povezanih s Univerzitetom, Fakultetom, kao i tuđih resursa putem računarske mreže Univerziteta i Fakulteta;
- prouzrokovanje materijalne štete na imovini Univerziteta, Fakulteta;
- otuđivanje imovine koja je u vlasništvu Univerziteta, Fakulteta;
- izazivanje nereda i tučnjave ili sudjelovanje u neredu ili tučnjavi u prostorijama Univerziteta, Fakulteta;
- dolazak na bilo koji od oblika nastave pod utjecajem alkohola ili opojnih droga;

- i sva ostala djela koja su u suprotnosti s moralnim normama prihvaćenim u društvu te djela koja su zakonom utvrđena
- kao kaznena djela.

Pravilnikom o disciplinskoj i materijalnoj odgovornosti studenata Univerziteta u Travniku utvrđene su lakše i teže povrede obaveza/discipline, čijom povredom se studentu može izreći odgovarajuća disciplinska mjera .

5. ZAKLJUČAK

Upisom na visokoškolsku ustanovu svaki student treba usvoji postulate koji vrijede u akademskoj zajednici.

Neophodno je da studenti steknu radne navike, te da discipliniranim radom, zalaganjem i pristojnim ponašanjem budu uzor u sredini u kojoj žive i djeluju.

Studenti trebaju biti pokretač pozitivnih kretanja jedne društvene zajednice, jer samo tako će sebi i drugima osigurati bezbjednu budućnost.

Poštivanje pravila Kodeksa značajan je preduslov napretka i razvoja Univerziteta, a time i svakog studenta.

6. STUPANJE NA SNAGU KODEKSA

Kodeks ponašanja studenata Univerziteta u Travniku stupa na snagu osmog dana od dana donošenja.

Broj: 98/11



REKTOR
R. Dadić
Prof.dr Rasim Dadić